



Broj: 07-03-11-37315/24  
Sarajevo, 26.08.2024. godine

Na osnovu člana 4. Zakona o izvršavanju Budžeta Kantona Sarajevo za 2024. godinu („Službene novine Kantona Sarajevo”, broj 55/23), Odluke Vlade Kantona Sarajevo, broj 02-04-38017-24/24 od 01.08.2024. godine, a u vezi sa tačkom IV Programa podrške privrednim sajmovima i manifestacijama u Kantonu Sarajevo 2024, broj 02-04-38017-24.1/24 od 01.08.2024. godine, Ministarstvo privrede Kantona Sarajevo kao nosilac budžetskih sredstava, raspisuje

## JAVNI POZIV

### za dostavljanje prijava po Programu podrške privrednim sajmovima i manifestacijama u Kantonu Sarajevo 2024, u organizaciji neprofitnih organizacija/udruženja/fondacija

#### I PREDMET JAVNOG POZIVA

Predmet Javnog poziva za dostavljanje prijava po Programu podrške privrednim sajmovima i manifestacijama u Kantonu Sarajevo 2024, u organizaciji neprofitnih organizacija/udruženja/fondacija (u daljem tekstu: Javni poziv) je dodjela poticajnih sredstava s ciljem podrške organizaciji poslovnih sajмова i sličnih manifestacija koje doprinose promociji i razvoju privrede u Kantonu Sarajevo za 2024. godinu.

#### II FINANSIJSKA SREDSTVA

Finansijska sredstva za realizaciju ovog Programa planirana su u Budžetu Kantona Sarajevo za 2024. godinu, na razdjelu 18 – Ministarstvo privrede Kantona Sarajevo:

- **Ekonomski kod 614300, subanalitika IAN015, funkcija 049F:** „Podrška projektima neprofitnih organizacija” u iznosu od 300.000,00 KM.

Maksimalni iznos po projektu je 30.000,00 KM, ali ne više od zahtjevanog iznosa po prijavi. Ukupan iznos sredstava će se odobriti svima onima koji ispune sve tražene kriterije na način da će se ukupan iznos sredstava rasporediti procentualno shodno odobrenom iznosu iz projekta.

#### III NAČIN REALIZACIJE PROGRAMA

Program će se provesti putem Javnog poziva podrške privrednim sajmovima i manifestacijama u Kantonu Sarajevo 2024, koji će provesti Ministarstvo privrede Kantona Sarajevo. Javni poziv, preliminarna i konačna rang lista biće objavljeni na službenoj web stranici Ministarstva privrede Kantona Sarajevo [www.mp.ks.gov.ba](http://www.mp.ks.gov.ba).

#### IV PRAVO UČEŠĆA NA JAVNOM POZIVU

Pravo učešća na Javnom pozivu imaju **neprofitne organizacije, udruženja i fondacije** koje ispunjavaju sljedeće uslove:



- da imaju registrovanu djelatnost koja je vezana za promociju privrede,
- da imaju obezbijeđeno vlastito učešće i/ili sredstva iz drugih izvora od minimalno 15% vrijednosti projekta,
- da su organizatori poslovnog sajma ili slične manifestacije, koja je realizovana ili će se realizovati u 2024. godini na području Kantona Sarajevo,
- da nemaju status: javnog preduzeća, javne ustanove, javne institucije, organa ili jedinice lokalne samouprave ili bilo koje druge javne institucije, banke i druge finansijske organizacije (oblasti po KD BiH 2010: 64-66),
- da su upisani u odgovarajući registar sa registrovanim područjem djelovanja koje je u skladu sa prioritetima za koje se dodjeljuju sredstva,
- da imaju izmirene obaveze po osnovu javnih prihoda, zaključno sa 30.06.2024. godine,
- da imaju izmirene obaveze plaćanja indirektnih poreza, zaključno sa 30.06.2024. godine,
- da se protiv podnosioca prijave - odgovornog lica ovlaštenog za zastupanje ne vodi krivični postupak i da nije pravosnažno osuđen za privredni prekršaj i/ili počinjenje krivičnog djela i/ili privredni prestup u posljednjih 5 godina,
- da uz prijavu na Javni poziv dostave elektronski uredno popunjen Obrazac za prijavu na Javni poziv definisan ovim Programom,
- da mogu prijaviti samo jedan projekat koji se realizuje u 2024. godini.

NAPOMENA: Neprofitne organizacije, udruženja i fondacije kojima su dodjeljena poticajna sredstva od ovog Ministarstva iz svih prethodno zaključenih ugovora o sufinansiranju iz budžetskih sredstava (ili po osnovu ranije dodjeljenih sredstava, ako nisu zaključeni ugovori), a koja nisu uredno opravdana, ne mogu ostvariti pravo na dodjelu poticajnih sredstava po ovom Javnom pozivu (dodatna službena provjera od strane Ministarstva privrede Kantona Sarajevo).

## V KRITERIJI ZA OCJENJIVANJE PRIJAVA I UTVRĐIVANJE VISINE SREDSTAVA

### Kriteriji za ocjenjivanje prijava

Ocjenjivanje prijava temeljit će se na sljedećim mjerljivim kriterijima:

- **Ciljevi i svrha projekta** (0-25 bodova): Jasno definisani ciljevi i svrha projekta koji su u skladu s ciljevima Programa.
- **Doprinos razvoju privrede** (0-25 bodova): Potencijal projekta da doprinese razvoju privrede u Kantonu Sarajevo.
- **Realističnost budžeta** (0-25 bodova): Realističan i detaljan budžet projekta.
- **Iskustvo u sličnim projektima** (0-25 bodova): Organizacijski kapaciteti i resursi za realizaciju projekta.

### Utvrđivanje visine sredstava

- 1. Prag za dobijanje sredstava**
  - Projekti koji osvoje najmanje 60 bodova kvalifikuju se za sufinansiranje.
- 2. Rangiranje projekata**
  - Svi projekti koji zadovolje prag od 60 bodova bit će rangirani prema ukupnom broju bodova.
- 3. Procentualna raspodjela sredstava**
  - Ukupan iznos raspoloživih sredstava (300.000 KM) bit će raspodijeljen proporcionalno broju bodova koje projekti osvoje.
  - Projekti s većim brojem bodova dobit će veći procenat sredstava.
- 4. Smanjenje iznosa ako prelazi maksimum**
  - Ako izračunati proporcionalni dio za neki projekat prelazi maksimalni iznos od 30.000 KM ili traženi iznos po prijavi, taj projekat će dobiti maksimalni iznos od 30.000 KM ili traženi iznos, koji god je manji.



### \* Formula za raspodjelu redstava

Ukupna sredstva za raspodjelu iznose 300.000,00 KM.

Projekti koji zadovoljavaju kriterije dobit će sredstva prema sljedećoj formuli:

Proporcionalni dio sredstava za projekat = (Broj bodova projekta / Ukupan broj bodova svih prihvaćenih projekata) × 300.000 KM

### Primjer izračuna:

Ako su četiri projekta dobila sljedeće bodove i tražene iznose sredstava:

- Projekat A: 80 bodova, traži 40.000 KM
- Projekat B: 75 bodova, traži 35.000 KM
- Projekat C: 65 bodova, traži 30.000 KM
- Projekat D: 60 bodova, traži 25.000 KM

Ukupan broj bodova = 80 + 75 + 65 + 60 = 280 bodova

#### 1. Proporcionalna raspodjela prije maksimuma:

- Projekat A:  $(80 / 280) \times 300.000 = 85.714,29$  KM
- Projekat B:  $(75 / 280) \times 300.000 = 80.357,14$  KM
- Projekat C:  $(65 / 280) \times 300.000 = 69.642,86$  KM
- Projekat D:  $(60 / 280) \times 300.000 = 64.285,71$  KM

#### 2. Primjena maksimalnog iznosa:

- Projekat A dobija 30.000 KM (jer je to maksimum)
- Projekat B dobija 30.000 KM (jer je to maksimum)
- Projekat C dobija 30.000 KM (jer je to traženi iznos)
- Projekat D dobija 25.000 KM (jer je to traženi iznos)

#### 3. Eventualno preostala sredstva po Programu se neće preraspodijeliti.

## VI OBAVEZNA DOKUMENTACIJA ZA PRIJAVU

Podnosilac prijave treba dostaviti sljedeću obaveznu dokumentaciju:

1. **Obrazac za prijavu na Javni poziv**, uredno i sadržajno **elektronski** popunjen, isprintan, te u printanoj verziji dostavljen sa kompletnom traženom dokumentacijom – potpisan od strane ovlaštenog lica i ovjeren pečatom organizacije/udruženja/fondacije;

Upute za popunu Obrasca:

- a. Projekat treba da sadrži sve elemente iz Obrasca za prijavu, te jasno objašnjenje o kakvom se projektu radi;
- b. Projekat mora predvidjeti broj mjerljivih rezultata na koje će realizacija projekta imati najviše efekta;
- c. U pregledu budžeta projekta (**poseban prilog**) predstavljaju se troškovi do kojih implementator projekta očekuje da će doći za vrijeme trajanja projekta;
- d. Pregled budžeta treba da odgovara opisu prijedloga projekta, a stavke budžeta treba da prate logičan slijed aktivnosti na način kako je projektom navedeno;
- e. Potrebno je specificirati planirane aktivnosti i navesti izvore finansiranja navedenih aktivnosti iz vlastitih i/ili drugih izvora;
- f. U sklopu projektnog prijedloga dostavljaju se dodatna pojašnjenja budžetskih stavki navedenih u formi pregleda budžeta;
- g. Tabelarni prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke (u slučaju već realizovanog projekta u 2024. godini, dostavljaju se i dokazi o troškovima realizovanog projekta, te dokazi o izvršenom plaćanju troškova realizovanog projekta-u kopiji).

2. **Izvod iz registra** – ne starija od tri mjeseca od dana objave Javnog poziva – original ili ovjerena kopija;
3. **Uvjerenje o poreznoj registraciji** poslovnog subjekta (ID broj) izdat od strane Porezne uprave – original ili ovjerena kopija;
4. **Izjava o izmirenim dospelim obavezama po osnovu direktnih poreza zaključno sa 30.06.2024. godine** – ovjerena od strane nadležnog organa (općina ili notar);
5. **Izjava o izmirenim dospelim obavezama po osnovu indirektnih poreza zaključno sa 30.06.2024. godine** – ovjerena od strane nadležnog organa (općina ili notar);
6. **Izjava da se protiv podnosioca prijave - odgovornog lica iz rješenja o registraciji, ne vodi krivični postupak i da nije pravosnažno osuđen za privredni prekršaj i/ili počinjenje krivičnog djela i/ili privredni prestup u zadnjih 5 godina** – ovjerena od strane nadležnog organa (općina ili notar);
7. **Dokaz o obezbjeđenim vlastitim sredstvima i/ili sredstvima obezbjeđenim iz drugih izvora** (Izvod ili Potvrda ovjerena od banke ili drugi relevantan dokument), ne stariji od tri mjeseca računajući od dana objave Javnog poziva – ovjeren pečatom organizacije/udruženja/fondacije i potpisan od strane ovlaštenog lica organizacije/udruženja/fondacije;
8. **Uvjerenje banke** da je žiro račun subjekta aktivan, ne starije od mjesec dana računajući od dana objave Javnog poziva – original ili ovjerena kopija;
9. **Izjava da je podnosilac prijave saglasan da njegov rezultat Javnog poziva bude objavljen na web stranici Ministarstva privrede** – ovjerena od strane nadležnog organa (općina ili notar);
10. **Izjava da je podnosilac prijave saglasan da se svi podaci iz prijave obrade i provjere sa evidencijom nadležnih organa i institucija** – ovjerena od strane nadležnog organa (općina ili notar);
11. **Izjava da je podnosilac prijave saglasan da Ministarstvo privrede i komisija mogu obrađivati dokumente kojima se dokazuje lični identitet ovlaštenog lica u skladu sa važećim propisom kojim se reguliše zaštita ličnih podataka** – ovjerena od strane nadležnog organa (općina ili notar).

Prijave se podnose isključivo u printanoj verziji, sa pratećom dokumentacijom **numerisanom i poredanom tačnim redoslijedom** koji je naveden u Poglavlju VI ovog Javnog poziva (VI Obavezna dokumentacija za prijavu), u zatvorenoj koverti, preporučeno putem pošte ili lično na adresu:

**Ministarstvo privrede Kantona Sarajevo**  
**ul. Reisa Džemaludina Čauševića broj 1, 71000 Sarajevo**  
sa naznakom:

**”Prijava na Javni poziv podrške privrednim sajmovima i manifestacijama u Kantonu Sarajevo 2024, broj: 07-03-11-37315/24 - NE OTVARATI”**

Na poledini zatvorene koverta navesti:

- **Naziv podnosioca prijave**
- **Adresu i kontakt telefon podnosioca prijave**

Neblagovremene, nepotpune i neuredne prijave neće se razmatrati.

## **VII ROK ZA PODNOŠENJE PRIJAVE**

Rok za podnošenje prijave na Javni poziv je 20 dana od dana objave Javnog poziva.  
Posljednji dan za prijavu na ovaj Javni poziv je **18.09.2024. godine**.

## **VIII NAČIN I ROKOVI IZVJEŠTAVANJA**

Podnosioci prijave koji dobiju sredstva obavezni su dostaviti izvještaj o realizaciji projekta, na propisanom Obrascu narativnog i finansijskog izvještaja (dostupnog na web stranici Ministarstva privrede Kantona Sarajevo), a koji uključuje:



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)

- Detaljan opis aktivnosti koje su realizovane.
- Dokaze o troškovima (predračuni, računi, fakture sa fiskalnim računima, ugovori, izvodi iz banke).
- Medijske objave i promotivne materijale.

Izveštaj se dostavlja Ministarstvu privrede Kantona Sarajevo u roku od 30 dana nakon završetka projekta.

## IX ZAJEDNIČKE ODREDBE

### Ograničenja korištenja sredstava:

Sredstva dodijeljena po Javnom pozivu ne mogu se pravdati niti realizirati za nabavku osnovnih sredstava i servisnih usluga (usluge krećenja, održavanja i sl.).

Odobrena sredstva se ne mogu koristiti za pravdanje i/ili isplate administrativnih troškova (struja, voda, prevoz, telefon, mobitel, fax, poštanski troškovi i sl.) u iznosu većem od 20% odobrenih sredstava.

Projekat za čiju realizaciju se dodjeljuju sredstva Ministarstva treba da sadrži informaciju da je Ministarstvo privrede Kantona Sarajevo finansijski podržalo realizaciju predmetnog programa/projekta na odgovarajućem vidnom mjestu, u svim verzijama i kopijama, kao i logotip Ministarstva privrede Kantona Sarajevo.

Sredstva koja se dodjeljuju po Javnom pozivu mogu se pravdati i koristiti isključivo za troškove vezane za organizaciju poslovnog sajma/manifestacije za koji se aplicira po Javnom pozivu.

Pregled prijava i dokumentacije, obradu i kontrolu svih podataka, te ocjenu o ispunjavanju svih uslova vršit će komisija imenovana rješenjem ministra privrede Kanton Sarajevo.

Aplikant čija prijava ne ispunjava uslove sa razlozima za odbijanje sufinansiranja projekta, a koji smatra da je njegovo pravo povrijeđeno u postupku izbora korisnika sredstava, može uložiti prigovor (potpisan od ovlaštenog/odgovornog lica i ovjeren pečatom organizacije/udruženja/fondacije) i isti dostaviti Ministarstvu u roku od sedam dana od dana objave Preliminarne rang liste.

Prigovor se ne može podnijeti ako je prijava odbijena kao neblagovremena, nepotpuna ili neuredna. Svaki član bilo koje komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

Za sufinansiranje realizacije odobrenih projekata zaključit će se pojedinačni ugovor između korisnika finansijskih sredstava i Ministarstva.

Ministarstvo po osnovu dodijeljenih finansijskih sredstava ima pravo da koristi informacije u vezi sa realizacijom projekta u svrhu promocije Kantona Sarajevo.



